



Na osnovu člana 45. Zakona o porezu na dohodak („Službeni glasnik Brčko distrikta Bosne i Hercegovine“, brojevi: 60/10, 14/17 i 24/20) i člana 12. Zakona o Direkciji za finansije Brčko distrikta Bosne i Hercegovine („Službeni glasnik Brčko distrikta Bosne i Hercegovine“, brojevi: 19/07, 35/17, 3/19 i 34/19), direktor Direkcije za finansije Brčko distrikta Bosne i Hercegovine d o n o s i

PRAVILNIK O IZMJENAMA I DOPUNAMA PRAVILNIKA O PRIMJENI ZAKONA O POREZU NA DOHODAK

Član 1.

U članu 2. stav (2) Pravilnika o primjeni Zakona o porezu na dohodak („Službeni glasnik Brčko distrikta Bosne i Hercegovine“, brojevi: 6/11, 32/14, 51/18, 33/19, 33/21, 43/22 i 10/24) mijenja se i glasi:

„(2) Predmet oporezivanja su i svi prihodi ostvareni po osnovu obavljanja neregistrovane djelatnosti, npr. radom na crno ili obavljanjem samostalne djelatnosti bez odobrenja nadležnog organa npr. investiranje u nekretnine od strane fizičkih lica“.

Član 2.

U članu 7. iza stava (9) dodaje se novi stav (10) koji glasi:

„(10) Podsticaji iz člana 6. stav (1) tačka m) Zakona ne mogu se koristiti kao troškovi poslovanja.“

Član 3.

U članu 51. stav (7) mijenja se i glasi:

„(7) Dohodak iz člana 14. stava (5) tačke c) Zakona se utvrđuje kao razlika između ostvarenih prihoda i rashoda utvrđenih članom 16. stavovima (4) i (5) Zakona, a može nastati na osnovu: autorske naknade, ugovora o djelu, druge naknade od povremenih samostalnih djelatnosti i rada u komisijama i drugim tijelima.“

Član 4.

U članu 56a. dodaje se novi stav (4) koji glasi:

„(4) Pravo na uvećanje ličnog odbitka za iznos kamate plaćene na stambeni kredit može koristiti porezni obveznik samo u slučaju da je prva nekretnina kupljena na teritoriji Distrikta.“
Dosadašnji stav (4) postaje stav (5).

Član 5.

U članu 62. Pravilnika iza stava (1) dodaje se novi stav (2) koji glasi:
„(2) Porez iz stava (1) ovog člana utvrđuje na osnovu obračuna iz porezne prijave.“
Dosadašnji stavovi (2), (3) i (4) postaju stavovi (3), (4) i (5).

Član 6.

U članu 67. iza stava (2) dodaje se novi stav (3) koji glasi:
„(3) Visina iznosa ličnog odbitka može se jedino izmijeniti s izmijenjenom poreznom prijavom, na način propisan Zakonom o Poreznoj upravi Brčko distrikta Bosne i Hercegovine.“

Član 7.

U obrascu GPD-1051 Godišnja prijava poreza na dohodak, Dio 2 – Prijava prihoda ostvarenih tokom poreznog perioda, redni broj 13 mijenja se i glasi:

„13. Dohodak od povremene samostalne djelatnosti obrazac AUG-1031 (kolona 11)
13a. Dohodak od drugih samostalnih djelatnosti obrazac ASD-1032 (kolona 8)
13b. Dohodak od obavljanja druge samostalne djelatnosti na prihod iz inostranstva obrazac AMS-1035 (kolona 11)
13c. Dohodak od povremenog obavljanja samostalne djelatnosti obrazac PDN-1033.“

Član 8.

U obrascu GPD-1051 Godišnja prijava poreza na dohodak, Dio 2 – Prijava prihoda ostvarenih tokom poreznog perioda, redni broj 15 mijenja se i glasi:

„Ukupan iznos kolone c – zbrojiti redove od 9 do 14
Ukupan iznos kolone d – zbrojiti redove od 8 do 13c“.

Član 9.

Ovaj pravilnik stupa na snagu danom donošenja i bit će objavljen u „Službenom glasniku Brčko distrikta Bosne i Hercegovine“.

Broj: 02-04.1-1062/25
Datum: 27.08.2025.godine

Direktor Direkcije
Janja Geljić, dipl. oec.